

Page: 4

Reach: 0

Country: BOSNIA AND HERZEGOVINA

Size: 117 cm²

1 / 1

CJB BIJELJINA

Sprječen teroristički napad u Janji

Policija Republike Srpske sprječila je jučer pripremljeni teroristički akt u bijeljinskom naselju Janja, rečeno je za Srnu u Centru javne bezbjednosti Bijeljina.

Pretresom hotela Dalas u Janji, u vlasništvu 64-godišnje žene koja živi na relaciji Janja - Holandija, pronađena je veća količina pripremljenih zapaljivih tečnosti, preciznije više od 100 litara benzina, veći broj plinskih boca, eksplozivnih i pirotehničkih sredstava koja su bila povezana krpama, s ciljem uništenja ovog objekta, a koji je fizički povezan sa više stambenih objekata, saopćeno je iz policije.

Portparolka CJB-a Bijeljina Aleksandra Simožlović rekla je novinarima da u vrijeme pretresa u objektu nije bilo ljudi.

Pretres je, kako je saopćeno iz policije, uslijedio nakon što su pripadnici CJB-a Bijeljina i Uprave za borbu protiv terorizma i ekstremizma MUP-a Republike Srpske, u saradnji sa Agencijom za istrage i zaštitu BiH, došli do operativnih saznanja da na području CJB-a Bijeljina može doći do izvršenja terorističkog akta ili dru-



gog teškog krivičnog djela s ciljem ugrožavanja sigurnosti građana i imovine u većem obimu i izazivanja vjerske, nacionalne i rasne netrpeljivosti. Postupajući prema tim saznanjima, policija je prikupila podatke o mogućim objektima napada i jučer izvršila pretres hotela Dalas, u kojem je i otkrivena priprema za teroristički napad.

Iz CJB-a Bijeljina su naveli da je blagovremenom reakcijom i dejstvom policije i Uprave za borbu protiv terorizma i ekstremizma MUP-a RS-a sprječeno izvršenje napada, a policijski službenici nastavljaju rad na rasvjetljavanju svih okolnosti koje su mogle dovesti do napada. Preduzimanje svih mjera vršeno je pod nadzorom Okružnog tužilaštva u Bijeljini.